



Tuhaqtidjutikhaq

Tuhaqtitauhainnaqtukhaq

GNkut unalu NTIkullu Tunihimajaa Nunavunmi Ukiuqtaqtumi Atanniqtuidjutikkut Amiridjutillu Hanaqidjuti

(Saptaiba 12, 2025 – Iqaluit, Nunavut) Nunavut Kavamanga (GN) unalu Nunavut Tunngavik Inc. (NTI) ublumi tunijaa una Nunavut Ukiuqtaqtumi Atanniqtuidjutikkut Amiridjutillu Hanaqidjuti, piliuqtauhimajuq kangiqhihimadjutinin hivuliutiujumadjutinillu uqautaujun uvani Ukiuqtaqtumi Atanniqtuidjutikkut Amiridjutillu Kaimanirjuami pihimajuq Iqalungni qaangilihaaqtumi Juunmi.

Taimaatun nunakkut-kavamatigun pijumaniit Ukiuqtaqtumi akuulirutainnun ukunanilu hulaqtainnun uvani hilaup aallanguqtirninganut kajumikhidjutaanun, akhuurnaqtuq Nunavut nipingit hivulliuqtakhait Kanadaup atanniqtuidjutaani katimadjutainnun. Katimanirjuaq hanaqidjutikhaqlu tamarnik naunaijaqtaa qitqaniittuq havaguti Inuinnait piqaqtaa naunaijarnianik Kanadaup nanminiutaanik Ukiuqtaqtumun. Una Nunavut Ukiuqtaqtumi Atanniqtuidjutikkut Amiridjutillu Hanaqidjuti katipkaqhimajait naliit tautugutait uumunga Nunavutim hivunikhaani amiridjutaani, tunngadjutigijaalu taamna tautungniq uppiridjutainnun hivulliutiujumajainnullu inungnin uqaqhimajun Nunavut aihimavia.

Hanaqidjutit tautuktitaa uqautait Inuinnait hivulliuqtiinnin, ukiuqtaqtumi kavamatuqatkunnilu havaktiinnin, Inirnikhanin, inulrammiinnin aallallu paannarijaujun.

“Hakugikhaqtiqhugu Kanadaup inninga Ukiuqtaqtumi, Nunavut ilaujukhaq katimanirni ihuaqhainikkut atugakhanik naunaijautiujut hivunikhaptinik,” uqaqtuq Hivuliqti P.J. Akeeagok. “Una hanaqidjuti pipkaijaa hivulliuqtiuniit Nunavunmiunnun hivumuudjutinun nunakhanik-naudjutikhanun aulapkaidjutinik, auladjutinik piqarutikhainnun ingilradjutikkullu havaktakhanik pipkaidjutaanun Kanadaup atanniqtuidjutaanun taimaalu angmaqtirlugin uuktuqvikhat inuptingnun.”

